

docriver 文川网
古籍书城
入驻商家
在文川网搜索古籍书城 获取更多电子书

(清)李延是撰

南吳舊話錄

瓜蒞鹿藏卯情學故叢物

版
社

瓜蒂庵藏明清掌故叢刊

南吳舊話錄

(清) 李延昱撰

上海古籍出版社

封面題字 葉露園

瓜蒂庵藏明清掌故叢刊

南吳舊話錄

〔清〕李廷璽撰

上海古籍出版社出版

（上海瑞金二路 272 號）

上海書店上海發行所發行 上海古籍印刷廠印刷

開本 787×1092 1/32 印張 9

1985 年 9 月第 1 版 1985 年 9 月第 1 次印刷

印數 0,001—3,000

統一書號：10186·603 定價：2.05 元

docsriver 文川网
入驻商家 古籍书城

在文川网搜索古籍书城 获取更多电子书

《瓜蒂庵藏明清掌故叢刊》序

我感覺到發現好書，也和發掘地下文物一樣。發掘古物，須有考古家用科學方法有步驟地、精細的探測。尋訪好書，也必須有精於版本目錄學、熟於學術常識和社會背景的明眼人，才能搜輯到。因為「胸有成竹」，才能挑選出好竹；如果胸無成竹，茫無所知，就是有好書擺在前面，也會「如入寶山，空手而回」。我二十多歲開始，簪筆傭書，從事教學和科研工作，追隨於傅藏園（增湘）老人和徐森玉、鄭振鐸以及趙萬里諸先生之後，游於藝苑之林。從圖書館和私人藏書家及書店中，遇見難得而珍貴的書籍，就作為教材，向他們請教。他們總是熱心誠懇，「耳提面命」，隨時教導於我。我就把他們所說的話記下來，久而久之，對於書籍的好壞、版本時代的先後，也略知一二。可惜的是，我家本寒素，為了奔走衣食、養老哺幼，不得不省吃儉用。偶而獲得一點稿費，得以絡繹購到一些零星的書籍。至於善本書籍、佳槧名鈔，我自然是買不起的，只能拾些人棄我取、零篇斷縑的東西。好比買瓜，人家得到的都是些甘瓜珍品，我不過是檢些瓜蒂而已。所以我起的書齋之名，以前由工資和稿費所入買書，叫「傭書堂」，後來干脆就叫「瓜蒂庵」，名副其實而已。

我素來喜歡研究明清史和兩漢史乘，尤其嗜好明清時代的野史筆記，和漢魏以

來金石磚瓦碑刻。因之我搜輯的資料，就從這方面着手。解放以前，我已經搜輯了多種，因為奔走南北，謀求衣食，多半失去。解放以來承黨和政府培養教育，得以專心致力於教學和科研工作，工資和稿費所入，都拿來購碑帖書物，積累漸多。十年浩劫時期，幸未損毀。到了「四凶」剪除，撥亂反正，建設「四化」，承黨的關懷，派我到大江南北採訪書籍，作為科研參考的資料，所見的較多了，其中也發現了人們所不注意的所謂「斷爛朝報」，我就收了進來，因之「盈架累屋，儼然成聚」了。偶與知友呂貞白、包敬第同志談及寒齋所藏野史稗乘以及詩文集等書，亦頗有同好之感。乃就箚中所藏，選出十種，定為《瓜蒂庵藏明清掌故叢刊》，承上海古籍出版社允為影印，公諸同好，並請加以批評。倘荷不棄，仍將嗣出續刊，使先哲遺澤，不致湮沒於世云。

一九八二年五月二十日，安陽謝國楨識於北京團結湖畔之瓜蒂庵

《南吳舊話錄》跋

謝國楨

一九五八年二月，余將由津門返京，偶游天祥市場書肆，見有舊鈔本《南湖舊話錄》及明刻都穆《使西日記》。《使西日記》有黃丕烈印，以索價過昂，乃購得是書。是書毛裝未剪裁本，為海豐吳式芬據商邱宋氏舊藏抄本移錄，分為上、下卷而增補前後共四十四則。後有鉛印本，即據此本以付印者也。原書題曰《南湖舊話錄》。嘉興鴛湖，一名南湖，而此則專記松江，上海鄉賢遺事，故應名為南吳也。題趙郡西園老人口授，孫尚綱補撰，七世孫漢徵引釋。西園老人為李延昱，據《松江府志》云：「延昱字辰山，上海人，初名彥貞，字我生。師事同郡舉人徐孚遠，為其高第弟子，嘗從孚遠入浙閩，後隱於醫，居平湖佑聖院中為道士。其卒也，以書籍二千五百卷贈秀水朱彝尊。彝尊為志其墓，叙次詳盡。著有《放鵬亭集》、《南吳舊話錄》。」余昔年游平湖，觀書於葛氏傳樸堂，見有《放鵬亭集》舊鈔本。日寇南侵，平湖被兵，其書不知流落何所矣。

是書仿《世說新語》體，雜記有明一代淞南名人、遺聞軼事。當夫明季野史稗說仿《世說》體者，若李紹文《皇明世說新語》、王暉《今世說》，率多摭拾陳言韻語，近於標榜之風。此書雜記瑣聞遺事，猶可見明季淞南社會風俗，而於明末抗節之士，尤為致意，可以見其堅貞之風。其七世孫漢徵，引證羣書作為注釋，極為詳核。刻本分

別孝友、儉素、恬退等類。此則不分類別，隨手札記，讀之可以引人入勝，較局於一隅分類者為善。如記松江之產布，上繳政府，統治者勒索無厭，致引起地方布解之苦。同此以產布之故，松江富室張乘素以漂染起家者，即當時之染坊也。江南大族，依托豪門，造作家譜，以勢凌人。霸占民產，欺詐小民。當時無耻文人若袁鉉輩專以造廢譜為業，此可見明清時代江南之陋習，經久而不能改者。

至記李待問之抗守松江，壯烈犧牲，余曾藏有待問手寫《湖上送春》七律一首，詩字俱佳。范濂著《雲間據目抄》記松江社會風俗，丑詆豪門縉紳，為當時權貴厭憎之。是書記濂字叔子，憤嫉薄俗，棄博士弟子籍，服山人服入佘山，隱居以終，均可作淞南之掌故。讀是書，亦可見著者纂述之旨矣。

目次

卷上	一
卷下	一三五
吳記	二七五
謝跋	二七六



南湖舊話錄

趙郡西



口授



孫



七世孫漢徵引釋



○劉銑坐法論死長繫北京刑部獄其弟鈍賂主者願代繫
俾兄一見母妻即兼程入京主者受賂既厚又憐其意遂
許之銑歸給其家曰受讞者恩得還鄉里而弟不幸客死
竟不復至京師鈍無所怨苦久之赦歸銑聞逸去鈍生二
子皆仕有名

鈍生二子玉璵璵舉人建寧太守玉子究汀州通判究

子兆元舉人懷慶推官

湧幢小品

○柳御史惇以行人選監察御史初服鷹譜妻沙氏戲之云

角月言古泉

卷二

今日須辨蟲豸御史笑曰更當細識蟲豸太夫人聞之以為嘲諷不嫻家訓杖御史而遣其妻後歷官四川左布政以內艱歸朝夕哭靈前撫受杖處悲號出戶外竟以哀毀卒

柳惇字文粹華亭人成化丙戌進士松江府志

周穆王西征一軍盡化君子為猿為鶴小人為蟲為沙抱朴子

按豸字孫愐池爾切讀如治爾雅釋蟲曰有足謂之蟲無足謂之豸郭忠恕周伯琦皆謂俗誤以蟲豸之豸為獬廌說文謂豸獸長鬣行豸豸然欲有所伺殺形則似不得指為蟲類愚謂不必太泥蟲屬亦有豸豸然欲有

所伺殺者使與蟲連讀則讀如治與獬連讀則如在庶
乎其義可通今所書爲繡廡譜乃單用多字殊覺不妥
後見李氏刊誤云薦字經史並從廿不單書廡則了然
可證矣 漢徵識

○吳郎中昊所得俸金輒分贍族屬嘗曰凡樹木同本矣而
一枯一瘁見者必指根莖致澤之不均況人為有情之物
乃同屬祖宗後裔而獨擅贏餘得無有指者在旁耶

吳昊字時享華亭人舉成化戊子科己丑聯捷循例歸
省壬辰授刑部主事片言摘伏人服其能遷員外郎勘
貴州獄歸奏對稱旨進郎中庚子復乞歸省遂就養馬
會瑞獄作昊受命奔走勞瘁成疾以卒年三十六分省

○高學正博改武岡學正江行風逆覆溺相繼嘆曰死生固命也然老母在堂詎可身試波濤之險即停行辭任終養不復出

高氏自有宋遷鼎乃聚族從之散處吳越有存善者始從松江之上海徙而占籍華亭存善生珙珙生平是曰梅軒處士梅軒生頤元公博登成化癸卯賢書仕為州學正祀鄉賢祠墓志唐文恪撰

○陸文定出西郊報謁適其伯兄負蟹至公下輿屏立道旁問將何之兄指簾曰持此為父佐酒耳公命從者代攜兄笑曰吾布衣也攜蟹固當乃疾走去及公抵家贈公方與

兄快飲庖人別進他膳贈公命徹去謂文定曰此時紫蟹正肥黃柑初熟汝兄田家風味亦自可樂無煩另着鹽醬文定唯唯相與談說耕釣事漏下兄仍踏月去

陸文定公一日與賓朋宴坐忽報兄至急起延之門外相對寒燠不數語輒起去文定不能留也送門外拱立良久去遠方敢進坐客訝曰長公嚴重乃爾公曰固也憶昔少貧吾兄荷鋤藝宅傍地命我及中丞弟舁糞俟之良久不至吾二人舉一杓淋漓狼籍兄大怒杖之曰盡如若輩何以償租且書能枵腹讀耶此田則久歸吾吾今欲受兄教如少年時不可復得矣

西山日記

○張季牧貧無立錫而父母未葬乃誓不婚娶授徒餬口積

三
館資二十餘年足辦工役臘月下棺淫雨忽霽風暖月明
有若初秋及封禩而雨復如故衆皆嗟異纔歸空中聞大
聲云張謙命合餓死以葬親情切不使遽作餒鬼年至九
十餘且衣食不缺老終鄉里鄰人多有聞之者明晨親黨
爭來訊問季牧謝曰雖足脛可無長毛而心腑實懷餘慟
言之適足彰其不孝

張謙字季牧上海高昌里人祖父五世食饑學宮終于
玫瑰季牧上短下長形如癯鶴父授以五經不許更學
時藝臨死且囑曰使汝藝工而不售難以問天售而不
工易於愧己貴賤命也當思我言故季牧終老不就場
屋竭力葬親世稱其孝

鄉評錄

三司副使陳泊卒後附語婢子云當為貴神坐不葬父母令作賤鬼足脛皆生長毛孔氏談苑

○倭逼青村鄉塾師周文德奉母走匿中途遇倭倭將刃其母文德延頸願以身代倭笑曰留老婆子喫飯何如借健後生馱包乃釋母而擄文德去在倭營三年無隙可脫總督胡梅林會剿始獲歸其母猶在世方福者金山衛哨長也習知其孝將以女妻之文德泣曰陶氏先君所聘遭亂不屈哭曰終不為周氏辱遂死波濤今又委禽他姓陶氏之言謂何朔望設位而哭聞者哀之

周淵字文德嘉靖時人

○顧硯山初出繼其叔父上川署正既而上川舉子從周上

川素多藏比沒而周安人操筭嚴甚硯山支持門戶更向
他人緩急開府曹公雅習硯山行部至縣密謂令劉曰顧
署正得階文林郎以硯山為所後贈封令舍人貧甚為人
後而僅提空名蕭條苦塊殊可念也令出趨告硯山將收
其紀綱問狀硯山避席對曰先君子國無餘貲況某以倫
序得為後不在橐中有無願明公謹秘之苟傷太安人心
使異日先君子得遇地下顧此時何以為顏令乃止開府
聞之曰顧舍人真賢者吾用常情待之悔失言矣

先生諱從義字汝和松之上海人也元末有友實公四
傳而廣南守英起家明經拜二千石子澄澄子二東川
公定芳官御醫次上川公世芳官署正其後御醫以伯

docsriver 文川网
入驻商家 古籍书城

在文川网搜索古籍书城 获取更多电子书

子崇禮貴贈光祿少卿實先生之自出而署正之得階
文林郎者則以先生為所後也 墓志陳滬海撰

顧英天順己卯舉人

○李元韜初出繼後其繼父晚舉五子凡喪葬婚娶皆出自
元韜人或謂其過厚元韜曰出繼雖曰倫序世情即因其
產業使繼後不復生育必曰所有固吾物也則今諸孤儉
薄又安得誣之曰非吾事耶人服其義

李昭祥字元韜嘉靖丁未進士南京工部郎中致仕

李自恆軒公娶東海張公女生子龍浦公塾雲浦公序

而雲浦生公龍浦乃撫公為嗣云 雲間志畧

○倭蹂躪海上高於理踉蹌隨父南坡入城猝與倭遇倭欲

割其父項於理跪泣請代倭怒將并殺之一倭笑曰奈何
入人城郭先以孝子血染其刀環吾日出處人義不為此
使譯者諭之去里人高其行更字之曰孝卿

高承順字於理別號旭屋華亭人子振聲亦有至性人
稱為兩世孝子明孝友傳

○高仲彩祖母病劇高引刀割股肉作羹療之病旋愈里人
稱為孝童讀書不輟乃得瘵疾臨死親黨咸疑天地不佑
善人高且歎且言曰壽天命也忠孝性也須臾大汗而逝
前一夕守土地祠者聞空中曰明日送高孝童入山陵晨
特來問訊則高死矣

高灵字仲彩青浦人祖母曹氏病危禱天割股肉作羹

以進祖母食之尋愈官榜其廬曰孺孝可風

○李見汀父為倭所掠遍求之不遇重趼涕泗見者哀之或告以倭欲得識字者作記室見汀乃儒衣冠挾筆墨自投倭營緩步長揖曰貌若何者吾父也如在願縱之請以身代役酋奇之索其父立遣焉見汀凡籍所鹵獲咸得次第首喜每有厚贈且拍其背曰作事無大小能以全副精神赴之者必富貴中人也見汀乘閒夜脫不持一物提學御史耿公名定特表其門曰至孝感夷

李安祥字元定號見汀上海人以隆慶改元選貢登萬

曆己卯賢書知滄州子南春孫繼佑代登賢書

雲間志

○陳北山素厚藏橐裝數萬金死之日其貲別有所屬長子

詒穀不能名一錢有言及者詒穀擗踊悲號曰父死謂何而先及所蓄有無亡何叔季以貨爭訟郡太守馮公桐江故嘗為上海令廉知其狀不直叔季以所爭者屬詒穀詒穀辭曰受之是幸其爭也卒辭去

○郁企齋孝廉青城側室子也遇其嫡母之兄歲時伏臘問遺甚謹族弟某謂企齋過情將何以待生母兄弟企齋曰吾父之心必先嫡而後庶某從厚嫡母之兄正以體父意也徐文貞聞之謂客曰後生猶有此忠厚入理之言吾鄉當福澤未艾

君姓郁氏別號企齋其先封主事公桂桂生五子長曰温州守山季曰青城君岷青城娶于黃無子置貳生君

年十五補邑諸生

○張可成青浦農也父病故將鬻身營葬諸父曰孝則孝矣恐玷族姓可成哭對曰身以外無一絲一粟若坐視暴露不得為子豈能顧族苟權輕重罪無所逃葬之日天雨忽晴羣鴉萬計鳴繞墓傍里中感歎聞之官得蒙旌異

此子所目覩可成之族頗有富者無一好義助喪而徒為體面語真可惡也 鄉評錄

○學究張伯陽父早死家貧母不能自存再醮于俞與俞復生二子母死合葬于俞臨期風雪大作伯陽自恨少孤母去於理不可返葬然念先人孤墳寂寞繞墓哭三晝夜僵餓於道不數日死生徒為權厝其父側夜半有聲如雷土

合成墳堅如鐵石雖錘錘了不能入人呼為孝感墳

伯陽之先有明經某者為長洲教諭以師道自任齋廚蕭然敝袍蔬食更無長物余祖嘗言及之伯陽為諸生屢試不售遂棄去訓蒙作活不談時藝曰時藝吾不售矣以此教人不自愧為人狷潔難近亦獨行之士也名應春上海長人鄉人 桐窗隨筆

成化間華亭民某之母再醮復生子母死二子爭葬質之官官判其詞曰生前再醮殊無戀子之情死後歸墳難見先夫之面令後子收葬伯陽得無微歎其母之易去而且傷其母之難歸與此真貧士之不幸也 雪峯遺稿

○李鶴滙名尚雅字伯安進士震瀛公兄也少負異材千言

下筆立就又膂力絕人能倒拔牛尾發矢百步之外無不命中吳淞總兵朱某欲與角力鶴滙申食指繫長繩曰軍中有能拽繩使指屈者願為納拜朱選健者七人以次及之終不能動朱大駭服曰先生神勇也而孝友性成見吳太僕懷野鶴滙事親說

薛更生有族叔無子雖疏屬而倫序則及之計其業因中人百家產也更生辭之曰舍我而繼者更有其人吾貧不能具饘粥然何忍遽棄其親終不受

君諱正平字更生華亭人也少為儒長事俠老歸釋死

石頭城下葬于方山之陽年八十有三

墓志蒙叟撰

張瀛海萬曆時選貢入太學遭生母喪或以壓嫡為辭便

于省試公泣謝曰無論情有未忍使試而不售夢寐間何以對所生即待嫡母尤無顏色乃持服如制

張以誠字君一南安守燭元孫也萬曆辛丑廷試第一人授修撰分考會試主考福建遠中允轉諭德了外艱營葬勞瘁咯血遂不起年四十八所著有酌春堂集鄉評錄

何叔鴻父病亟對其母涕泗覆面請以死代母曰然則使我生者將奈何叔鴻曰尚有兩兄兒當先其所亟遂託故出久而不歸鄰人傳有遺履于溪上者母奔視之固叔鴻物也善泗者得其屍顏色不變蠅蚋寂然

孝董名萬京字叔鴻松江俞塘里人幼穎異日誦數千

言父有疾萬京衣不解帶久之不瘳告于母曰兒將請于天以身代父供養二親有兩兄在母切禁之然亦不慮萬京果代死也父謂曰吾疾不可為矣亟求布殮我萬京即號哭出門走家人咸謂其求布也會天大雷雨萬京薄暮不歸其母忽憶前言出羅溪側得萬京遺履乃知其赴水死久矣其宗人學憲君萬化為作傳惜不載萬京年或曰十四五矣余惟萬京之志近乎愚萬京之行近乎小過使居聖門其為高柴之流無疑矣或疑萬京死未幾其父亦死何請代而不得耶夫以周公之聖史稱其齋被為質請代武王武王瘳後而崩是周公亦終不得代武王也何疑于萬京蓋萬京之所能為者

人也萬京之所不能為者天也余哀其志為作何孝童
詩將以愧世之不顧父母者焉陶菴集

徐仲光孝童記云童子姓孔曲阜至聖裔年十歲母病
醫謂不可起童子日夜涕泣私祝泰山神願隕身以贖
母壽既而病愈童子告家人曰嘗許禮泰山必身往酬
母許之山之絕頂舊有捨身巖高不可測童子臨崖奮
身自擲從者無由持救是日泰安州守適過山麓見片
雲若有人影搖颺欻然墜地乃一童子也詢之自言氏
籍及報母酬愿之意不知何緣扶擁至是守給賞送歸
時癸巳初夏也夫同一孝也一死而一生天豈有意其
間乎世之人行小善而欲責報于彼蒼者是市道也安

足以語此 廷星識

陳守貞年七十五子身事母有田數弓旱潦惟種棉花所收常倍手自紡績精絕一時遠近稱為孝子布母所嗜好味必先具其終身匕箸多著糟糠

陳守貞住華亭十五保萬厯時人

徐聖期與武靜各母武靜羈維揚母病亟飛艇相報歸期非旦夕可致母呼聖期曰汝父素無長物此吾奩產及三十年經營針線所餘計存六篋善保之亦不失為富家翁俟其歸可以半與之言訖而終聖期哭畢即集內外百餘人親加封識鐫之密室武靜抵家恚以見與不涉纖毫

聖期名鳳彩孝廉聞公弟侍郎公之曾孫也

郁鳳谷名伯純萬曆己卯舉人溫州守山孫也娶富氏當公未第而沒公不再娶養外母終其身人稱其義

余志作於

俞嘉言故方正學高弟也正學被難有幼子航海來投嘉言收匿舍中教習松音音稍變又挾之他往者歲餘歸而使更姓茶託名寓中收養以女妻之方禍熾時嘉言聞犬吠聲即披衣起或中夜危坐時恐不測萬曆己酉提學御史楊廷筠廉得其事得復原姓建正學祠而以嘉言配食俞允字嘉言華亭人更名永洪武癸丑魁應天明年成

進士累官禮部主事謫判長沙致政歸

松江府志

張一何孤岩奴也好誦感應篇孤岩為張瑄幕客瑄既以富著天下而世舉善籌算者無不談孤岩張一每為主人

docsriver 文川网
入驻商家 古籍书城

在文川网搜索古籍书城 获取更多电子书

憂嘗嘆曰鳩酒止渴解者幾人一旦棄妻子并所餘者數千金去而為僧孤岩悟其意亦苦辭瑄及瑄敗其徒嘗佩金虎符者鮮不流離禁錮惟孤岩獨免晨持佛號輒稱一名殿諸其後久之孤岩死一歸鄉里廬其墓旁旦夕展拜風雨莫避至永樂初始化去

衛青字明德華亭人狀貌雄偉勇而善謀洪武末以總旗授薊州衛百戶累陞山東都指揮僉事備倭海上永樂中蒲臺妖婦唐賽兒稱佛母誘愚民為亂攻安邱甚急青率千騎兼行至城下擊殺二千餘人生擒倍之及安遠侯柳升至怒其不待己青不為屈事聞上切責升降救褒美青曰進不求名退不避罪惟民是保雖古名將何以加焉陞

都指揮使正統初進右軍都督府僉事仍備倭六月以旱
蝗出禱得病而卒葬濟南厯城青幼時嘗牧羊馬嗜寺前
有道士見而奇之撫其頂曰兒他日腰金衣紫聞者皆笑
至是果然及卒登萊人為立廟海上祀之有子十一人長
頤襲濟南衛指揮使早卒無子次穎嗣以功封宣城伯餘
分處濟南登萊留華亭者行第九曰顯云 松江府志

永樂中山東民婦唐賽兒夫死唐祭奠回經山麓見石
罅露一石匣發之書劍存焉因削髮為尼施教于里求
衣食財物能隨所需官捕之急唐遂稱兵反官軍不能
支其後捕獲臨刑刃不能入復下之獄三木被體竟逝
去不知所終